



यात्रा दे दूए गेड़ च प्रधानमंत्री मोदी होर तियानचिन च शंघाई सहयोग संगठन शिखर सम्मेलन च शामिल होने आस्तै 31 अगस्त थवां पैहली सितम्बर तककर चीन दी यात्रा करगंन। बैठक थमां बक्खरें मोदी होर नेकां वैश्विक नेताएं कन्नै दपक्खी बैठक करगंन। भारत नै बरे 2022-23 दौरान इस संगठन दे राष्ट्र-अध्यक्षे दी परिषद दी अध्यक्षता कीती ही।

<><><><><><>

GST Council

GST काउंसल दी 56मीं बैठक अगले महीने दी 3 ते 4 तरीक गी नमीं दिल्ली च लग्गोग। केन्द्रीय खजाना मंत्री निर्मला सीतारमण होर इस बैठक दी अध्यक्षता करगंन। पिच्छले बरे दिसम्बर महीने राजस्थान दे जैसलमेर च GST काउंसिल दी पिच्छली बैठक होई ही, जेहदे च माल ते सेवाएं सरबन्धी कर (GST) कन्नै जुड़े दे केई फैसले लैते गे हे, जेहदे च चौलें दे कर दर गी घटाइयै 0-5 फीसद करना ते पैहले थमां पैक ते लेबल आहली चीजें च संशोधन करने दी सफारश बी शामिल ही।

<><><><><><>

PM –Semicon India

प्रधानमंत्री नरेन्द्र मोदी अगले महीने दी 2 तरीक गी नमीं दिल्ली च सैमीकॉन इंडिया-2025 दे चौथे संस्करण दा उदघाटन करगंन। त्रौं दिनें दे इस कार्यक्रम दा मकसद Microelectronics ते सैमीकंडक्टर मुल्ल श्रंखला च देशै दी बधदी क्षमताएं गी प्रदर्शित करना ऐ। कल कांफ्रेंस गी सम्बोधत करदे होई Electronics ते सूचना प्रोद्योगिकी मंत्रालय दे सचिव S. कृष्णन होरें आक्खेया ऐ जे पैहली बारी इस प्रदर्शनी च जापान- दक्षिण- कोरिया-सिंगापुर ते मलेशिया दे चार अंतराष्ट्रीय Pavilions शामिल होगंन।

<><><><><><>

## PM -Devp Projects

प्रधानमंत्री नरेन्द्र मोदी होरें कल संजा पच्छम बंगाल दे कोलकाता च 5 ज्हार 2 सौ करोड़ रुपें दी बक्ख-बक्ख विकास परियोजनाएं दा नीह पत्थर रक्खेया ते केंइयें दा उदघाटन कीता। इक जनसभा गी सम्बोधत करदे होई प्रधानमंत्री मोदी होरें आक्खेया ऐ जे केन्द्र सरकार पच्छम बंगाल दे विकास आस्तै हर संभव प्रयास करा रदी ऐ। उनें आक्खेया ऐ जे जियां-जियां भारत, दुनिया दी त्री सब्भनें थमां बड्डी अर्थव्यवस्था बनने दी दिशा च अग्गे बदा करदा ऐ। उआं-उआं गै दम-दम ते कोलकाता एहदे च अहम भूमिका नभा करदे न। प्रधानमंत्री होरें दस्सेया ऐ जे 2014 थमां पैहले, देशै च सिर्फ ढाई सौ किलोमीटर मेट्रो रस्ते हे, जेहडे हून इक ज्हार किलोमीटर थमां मते होई गे न। नरेन्द्र मोदी होरें पश्चम बंगाल च तृणमूल कांग्रेस दी नुक्ताचीनी करदे होई आक्खेया ऐ जे अपराध ते भ्रष्टाचार इंदी पंछान बनी गेदी ऐ। मोदी होरें इब्बी आक्खेया ऐ जे TMC सरकार नै स्मार्ट सिटी मिशन च शामिल होने थमां इंकार करी दिता ऐ, जेहदे कन्ने पश्चम बंगाल दे लोक बक्ख-बक्ख विकास परियोजनाएं दा फायदा हासल करने थमां वंचित रेही गे न।

<><><><><><>

## PM –Natural Farming Mission

प्रधानमंत्री नरेन्द्र मोदी होर अज्ज नमीं दिल्ली भारतीय कृषि अनुसंधान परिषद च राष्ट्रीय कुदरती खेती मिशन दी शुरुआत करगंन। राई-बाई सरबंधी मंत्री शिवराज सिंह चौहान होरें पिच्छले हफ्तें राज्यें दे कृषि मंत्रियें कन्ने बैठक मगरा इस सरबंधै च घोषणा कीती ही। केन्द्रीय मंत्रीमंडल नै पिच्छले बरें नवम्बर म्हीने इस मिशन गी केन्द्रीय योजना दे तौर पर मंजूरी दिती ही। बरे 2025-26 च इस योजना लेई 2 हजार 481 करोड़ रुपें रक्खे गे न-जिंदे च केन्द्र दा इक हजार 584 करोड़ रुपे दा ते राज्यें दा 897 करोड़ रुपे दा हिस्सा ऐ।

राष्ट्रीय कुदरती खेती मिशन दा मकसद मिट्टी दे नरोएपन च सुधार सरबन्धी प्रक्रिया ते तंत्र गी ब्हाल करना ते करसानें दी लागत गी घट्ट करियै जलवायु परिवर्तन दा मुकाबला करना ऐ।

<><><><><><>

DM- Defence Ecosystem

रक्षा मंत्री राजमनाथ सिंह होरें आक्खेया ऐ जे भारत नमियें काड्डें ते प्रोद्योगिकी विकास गी बढावा देइयै ते घरेलू कम्पनियें आस्तै लोडचदा ते सेई माहौल बनाइयै इक मजबूत प्रणाली दा निर्माण करा रदा ऐ। उनें आक्खेया जे मुख्य 5मी पीढी दे लड़ाकू जहाज बनाने ते विमान ते ईजन दे निर्माण दी दिशा च अग्गे बदा रदा ऐ। उनें आक्खेया जे फ्रांसिसि कम्पनी सफ्रान कन्नै मिलियै मुख्य च ईजन दे निर्माण दा कम्म शुरु होन जा रदाल ऐ। नमीं दिल्ली च इक काजर्यक्रम च रक्षा मंत्री होरें आक्खेया जे सरकार नै हिंदोस्तान ऐरोनाटिक्स लिमिटेड HAL गी 66 हजार करोड़ रपे दी लागत कन्नै 97 तेजस लड़ाकू जहाज बनाने दे इक नमें ऑडर गी मंजूरी दिती ऐ। उनें आक्खेया जे HAL गी पैहले 48 हजार करोड़ रपे दी लागत कन्नै 83 जहाज बनाने दा कम्म दिता गया हा। श्री सिंह होरें सारी विदेशी कम्पनियें ते निवेशकें गी मुख्य दे जीवंत रक्षा विनिर्माण खेतर च निवेश करने दा साद्दा दिता ऐ।

<><><><><><>

US Ambassador I-ndia

अमरीका दे राष्ट्रपति डोनाल्ड ट्रम्प होरें अपने करीबी सहायक सर्गियो गोर गी भारत च अमरीका दे राजदूत ते दक्खन ते मध्य एशिया कम्में आस्तै विशेष दूत दे तौर पर नियुक्त करने दी घोषणा कीती ऐ।

<><><><><><>

## US General -Sacking

अमरीका च ट्रम्प प्रशासन नै रक्षा खुफिया एजेंसी दी DIA दे प्रमुख लैफ्टिनेंट जनरल जैफरी क्रूज ते 2 होर वरिष्ठ सैन्य कमांडरें गी बर्खास्त करी दिता ऐ। ए गें अमरीकी खुफिया समुदाय गी भ्रष्टाचार मुक्त करने ते राष्ट्रपति ट्रम्प हुंदे वफादारें गी बड्डे ओहदे पर बठाने लेई पुट्टी गई ऐ। 2 होर सैन्य प्रमुखें च नौसेना Reserve दी प्रमुख वाइस एडमिरल नैन्सी लेकोर ते नौसेना विशेष युद्ध कमान दी दिक्ख-रिक्ख करने आले नौसेना सील अधिकारी रियर एडमिरल मिल्टन सैन्डस शामिल न। DIA नै अपने शुरुआती आकलन च ए निक्षर्ष कड्डेया हा जे अमरीका दे सैन्य हमले च इरान दे त्रै प्रमुख परमाणु थाहरें गी नष्ट नैई कीती गया सगुआ एदे करी इरान दा परमाणु कार्यक्रम केई महीने आस्तै पिच्छे चली गया, जियां जे राष्ट्रपति ट्रम्प होरें दावा कीता हा।

<><><><><><>

## National Space Day

मुख अज्ज दुआ अंतरिक्ष दिवस मना रदा ऐ। एह दिन 23 अगस्त 2023 च-चन्द्रयान -3 मिशन दे विक्रम लैंडर गी सफलतापूर्वक अंतरिक्ष च पजाने ते प्रज्ञान रोवर गी चन्द्रमा पर लेई जाने दे चेतें च मनाया जन्दा ऐ।

<><><><><><>

## Wrestling

बुलगारिया दे समोकोव च 20 बरे थां हेठ दी उमरी दी विश्व कुश्ती चैम्पियनशिप च भारत दी कागल दोचक नै सुन्ने दा तगमा जितेया ते उत्थें गै श्रुति ते सारिया नै केँ दे तगमे जिते।

<><><><><><>

## Khelo India Water Sports

श्रीनगर च आयोजित “खेलो इंडिया वाटर स्पोर्ट्स Festival-2025” दे दुए रोज कल मध्य-प्रदेश नै बेहतरीन प्रदर्शन करदे होई सब्भै 4 सुन्ने दे तगमे अपने नां करी लैते। एहदे कन्ने गै मध्य-प्रदेश दी टीम हून अंकतालिका च कुल 7 तगमे कन्ने पैहली थाहर पर ऐ। इंदे चा 4 सुन्ने दे, इक चांदी दा ते 2 कैह दे तगमे शामिल न। इस्सै चाल्ली ओडिशा दी टीम 1 सुन्ने दा ते 3 चांदी दे तगमे जितियै कुल 4 तगमें कन्ने हून दुई थाहर पर पुज्जी गेदी ऐ। मेजबान जम्मू-कश्मीर दी टीम त्री थाहरा पर- इक सुन्ने दा- इक चांदा दा ते इक कैह दा तगमा जितियै कुल 3 तगमे अपने नां करियै प्रतियोगिता च अगगे बधा रदी ऐ। इक सुन्ने दा ते इक कैह दे तगमे कन्ने उत्तर-प्रदेश चौथी थाहर पर- जिस्सलै के इक चांदी दा ते 2 कैह दे तगमे सनें केरला नै 5मीं थाहर हासल कीती ऐ। तौंआई उत्तराखंड दी टीम छड़े दंडु मैडल कन्ने सब्भै शा पिच्छे ऐ। अज्ज अखीरले ध्याड़े 17 तगमे लेई प्रतियोगिता होगन- जिन्दे चा 10 छड़ी Rowing लेई गै ऐन।

<><><><><><>

## Khadse JK Youth

केन्द्रीय खेड ते युवा मामले सरबन्धी राज्यमंत्री रक्षा खडसे होरें आक्खेया जे 2047 तोड़ी विकसित भारत दा लक्ष्य हासल करने लेई जम्मू-कश्मीर ते एहदे नौजवानें गी बड़ी महत्वपूर्ण भूमिका निभानी ऐ। उनें आक्खेया जे प्रधानमंत्री नरेन्द्र मोदी हुंदे इस सुक्खने गी पूरा करने च ते दैसे गी अगगे लेइयै जाने च जम्मू-कश्मीर दे युवाएं दी बड़ी महत्वपूर्ण भूमिका रौहग। खडसे होरें एह गल्ल जापान च अगले बरे होने आहली एशियाई खेडें लेई Sher-e-Kashmir Indoor स्टेडियम च वुशु Trials च शिरकत करदे होई आक्खी- जेहदे च तकरीबन 200 शा मते खडारियें हिस्सा लैता।

मंत्री हों आक्खेया जे केन्द्र सरकार जम्मू-कश्मीर दे युवाएं गी खेड्डें कन्नै जोड़ने दी पूरी-पूरी कोशश करा रदी ऐ तां जे ओह देसै लेई मैडल जितिये भारत दा नां रोशन करन।

<><><><><><>

EX-SL Prez Arrest

श्रीलंका दे साबका राष्ट्रपति Ranil Wickremesinghe हों गी सरकारी पैसे दे गलत इस्तेमाल दे आरोप च 26 अगस्त तगर पुल हिरासत च भेजेया गया ऐ। विक्रम सिंघे हों अपनी घरै आली दी सेहत सरबंधी ते कैंसर जनेई बमारिये दा हवाला दिंदे होई जमानत मंगी ही।

<><><><><><>

Govt. –Tik Tok Ban

सरकार नै कल दस्सेया ऐ जे भारत च टिक-टॉक पर रोक हटाने दा कोई बी हुकम जारी नैई कीता गया ऐ। इलैक्ट्रानिक्स ते सूचना प्रोद्योगिकी मंत्रालय दे सूत्रे दा आक्खना ऐ जे- इस चाली दा कोई बी ब्यान जां खबर जेहदे च भारत च टिक-टॉक गी अनब्लाक करने दा दावा कीता गेदा ऐ- ओह इक झूठी ते भ्रम फैलाने आहली खबर ऐ।

<><><><><><>